

Mie fietske

Refrein:

Wat 'nen elend,
Wat 'ne pech,
Mie gans nij fietske, dat is weg.
't Is neet geklajd,
't is neet gestole,
Meh de gemeente is mie fietske weg goon hole.
Is dat noe sjiek?
Is dat noe sjoen?
Wat moot iech zoonder fietske doen?
Mieljaar, wat höb iech noe e leid.
Kin iemes miech vertèlle boe mie fietske steit?

Koeplèt:

Iech koch miech lès e fietske, zoe nujerwèts model,
Mèt vaan die hippe kleure en mèt 'n sjieke bel.
Iech ging 't oetperbere, zoe midde in de stad,
En höb 't bij e buimke eve neergezat.
En ouch al leep iech gaar neet wied,
Mie nij fietske bin iech kwiet!

